

საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენი სამოსამართლო გამოცდილების მქონე მოსამართლეობის კანდიდატის შეფასების ფორმა


მოსამართლეობის კანდიდატის ლაშა ქოჩიაშვილის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	17	20
სამართლებრივი დასაბუთების უნარი და კომპეტენცია	20	20
წერის უნარი	20	20
ზეპირი კომუნიკაციის უნარი	14	15
პროფესიული თვისებები, მათ შორის, ქცევა სასამართლო დარბაზში	14	15
აკადემიური მიღწევები და პროფესიული წვრთნა	5	5
პროფესიული აქტივობები	4	5
ქულათა ჯამი	94	100

სახელი, გვარი : ნიკოლოზ მარსაგიშვილი

თარიღი:

28/05-2021 წელი





საქართველოს იუსტიციის უმაღლესი საბჭოს წევრი ნიკოლოზ მარსაგიშვილი

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის

ლაშა ქოჩიაშვილის შეფასების დასაბუთება

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის ლაშა ქოჩიაშვილის შეფასების დასაბუთების შედგენის პროცესში ვიხელმძღვანელებ „საერთო სასამართლოების შესახებ“ საქართველოს ორგანული კანონის 34¹ მუხლის მე-11 პუნქტით დადგენილი წესით.

მოსამართლეობის კანდიდატის შეფასება კეთილსინდისიერების კრიტერიუმის მიხედვით		კომენტარი
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	კანდიდატი ლაშა ქოჩიაშვილი არის კორექტული, თავშეკავებული, შეუვალი და აქვს საკუთარი ემოციების მართვის უნარი. ამასთან, კანდიდატს სწორად აქვს გაანალიზებული მისთვის დაკისრებული პასუხისმგებლობა და სამსახურებრივ თუ სხვა სახის მოვალეობებს, მათ შორის, ფინანსურ ან სხვა ხასიათის ვალდებულებებს (ქონებრივი დეკლარაციის შევსება, საგზაო მოძრაობის წესების დარღვევისათვის ჯარიმის გადახდა და სხვ.) ასრულებს
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	

მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>		ჯეროვნად. აღსანიშნავია, რომ ლაშა ქოჩიაშვილი კოლეგებში სარგებლობს კარგი საქმიანი და მორალური რეპუტაციით და რეკომენდატორები და მასთან პიროვნულ თუ პროფესიულ ურთიერთობაში მყოფი პირები კანდიდატს აფასებენ დადებითად. აგრეთვე, მის მიმართ დისციპლინური დევნა არ ყოფილა დაწყებული.
მოსამართლეობის კანდიდატის შეფასება კომპეტენტურობის კრიტერიუმის მიხედვით			კომენტარი
კრიტერიუმი	მიღებული ქულა	მაქსიმალური ქულა	
სამართლის ნორმების ცოდნა	17	20	ლაშა ქოჩიაშვილი სამოქალაქო სამართლის მიმართულებით კარგად ფლობს მატერიალურ და საპროცესო კანონმდებლობას. ასევე, მასთან გამართული საჯარო მოსმენის შედეგად ნათელი გახდა, რომ იგი იცნობს ადამიანის უფლებების სამართალს. მნიშვნელოვანია, რომ კანდიდატი ეცნობა საქართველოს საკონსტიტუციო სასამართლოსა და საქართველოს საერთო სასამართლოების გადაწყვეტილებებს, აგრეთვე, ადამიანის უფლებათა ევროპული სასამართლოს პრეცედენტულ სამართალს. აღსანიშნავია, რომ ლაშა ქოჩიაშვილს ჩაბარებული აქვს მოსამართლეობის საკვალიფიკაციო გამოცდა (სამოქალაქო და ადმინისტრაციული სამართლის სპეციალიზაცია).
სამართლებრივი დასაბუთების უნარი და კომპეტენცია	20	20	კანდიდატს აქვს ხანგრძლივი პროფესიული, მათ შორის, მოსამართლის თანამდებობაზე მუშაობის 13-წლიანი გამოცდილება. ამასთან, იგი გამოირჩევა ანალიტიკური აზროვნებითა და აზრის დასაბუთების უნარით.

წერის უნარი	20	20	ლაშა ქოჩიაშვილის მიერ წარმოდგენილი სამართლებრივი დოკუმენტების ¹ შესწავლის საფუძველზე შესაძლებელია ითქვას, რომ მას აქვს კარგი წერის უნარი. კერძოდ, კანდიდატი მის მიერ მიღებულ გადაწყვეტილებებში ავლენს ლოგიკური მსჯელობის უნარს, მოყვანილი არგუმენტები არის თანმიმდევრული და არაორაზროვანი. იგი ჩამოყალიბებულია ნათელი და მკითხველისთვის ადვილად აღსაქმელი ენით.
ზეპირი კომუნიკაციის უნარი	14	15	ლაშა ქოჩიაშვილს აქვს გამართული მეტყველების უნარი. ამასთან იგი არის ღია, გაწონასწორებული და ნათლად აყალიბებს საკუთარ მოსაზრებებს. აგრეთვე, აქვს სხვისი აზრის მოთმინებით მოსმენის შესაძლებლობა.
პროფესიული თვისებები, მათ შორის, ქცევა სასამართლო დარბაზში	14	15	კანდიდატი გამოირჩევა შრომისმოყვარეობით, მიზანდასახულობით, პროდუქტიულობით და გააჩნია საქმის სათანადოდ მომზადების, გადაწყვეტილების დაუხმარებლად მიღებისა და დამოუკიდებელი აზროვნების უნარი. ამასთან, 2017 წლის 1 ნოემბრიდან - 2020 წლის 1 ნოემბრამდე პერიოდში, კანდიდატის წარმოებაში არსებულ საქმეთა განხილვის სტატისტიკური ინფორმაციის თანახმად, მაღალია მის მიერ საპროცესო ვადების დაცვით განხილულ საქმეთა (93,5%) და უცვლელად დატოვებულ გასაჩივრებულ გადაწყვეტილებათა პროცენტული მაჩვენებლები (81,4%).

¹ სასამართლო გადაწყვეტილება: თბილისის საქალაქო სასამართლოს 2013 წლის 11 ოქტომბრის გადაწყვეტილება N2/7453-2013, თბილისის საქალაქო სასამართლოს 2016 წლის 30 მაისის გადაწყვეტილება N2/21609-15, თბილისის საქალაქო სასამართლოს 2016 წლის 26 დეკემბრის გადაწყვეტილება N2/21248-2015, თბილისის საქალაქო სასამართლოს 2017 წლის 30 იანვრის გადაწყვეტილება N2/29318-2016, თბილისის საქალაქო სასამართლოს 2017 წლის 08 თებერვლის გადაწყვეტილება N2/16048-2015, თბილისის სააპელაციო სასამართლოს სამოქალაქო საქმეთა პალატის გადაწყვეტილება N28/10092-19.

აკადემიური მიღწევები და პროფესიული წვრთნა	5	5	კანდიდატი არის ღია სიახლეების მიმართ და აქვს ახალი ცოდნის შეძენისა და მისი პრაქტიკაში გამოყენების ინტერესი. აღსანიშნავია, რომ იგი აქტიურად ესწრება არაერთ სემინარსა და ტრენინგს.
პროფესიული აქტივობა	4	5	ლაშა ქოჩიაშვილს მონაწილეობა აქვს მიღებული მართლმსაჯულების საკითხებზე გამართულ სხვადასხვა ღონისძიებაში. აღსანიშნავია, რომ კანდიდატი საქართველოს იუსტიციის უმაღლეს სკოლასა და საქართველოს იუსტიციის სასწავლო ცენტრში ეწევა პედაგოგიურ საქმიანობას. თუმცა, მას მომზადებული არ აქვს სამეცნიერო ან სხვა სახის პუბლიკაცია.
ქულათა ჯამი	94	100	
დასაბუთება	<p>უზენაესი სასამართლოს მოსამართლეობის კანდიდატის შეფასება კეთილსინდისიერების კრიტერიუმის მახასიათებლების მიხედვით</p> <p>„საერთო სასამართლოების შესახებ“ საქართველოს ორგანული კანონის თანახმად, იმის დასადგენად თუ რამდენად აკმაყოფილებს კანდიდატი ლაშა ქოჩიაშვილი კეთილსინდისიერების კრიტერიუმს, წინამდებარე დასკვნაში წარმოდგენილი და გაანალიზებულია მისი შეფასება აღნიშნული კრიტერიუმის თითოეულ მახასიათებელთან მიმართებით. კერძოდ, პიროვნული კეთილსინდისიერება და პროფესიული სინდისი; დამოუკიდებლობა, მიუკერძოებლობა და სამართლიანობა; პიროვნული და პროფესიული ქცევა; პროფესიული და პიროვნული რეპუტაცია; ფინანსური ვალდებულება.</p> <p>აღსანიშნავია, რომ კეთილსინდისიერების კრიტერიუმით ლაშა ქოჩიაშვილის შეფასება დაეყრდნო კანდიდატების შესახებ მოძიებულ ინფორმაციას, რა დროსაც სხვადასხვა უწყებიდან მოხდა მის შესახებ შემდეგი სახის ინფორმაციის გამოთხოვა: საქართველოს შინაგან საქმეთა სამინისტროდან მონაცემები ადმინისტრაციული სამართალდარღვევების შესახებ, სს „კრედიტინფო საქართველოდან“ სრული პერსონალური საკრედიტო</p>		

	<p>ინფორმაცია, საქართველოს ფინანსთა სამინისტროს შემოსავლების სამსახურიდან ცნობა შემოსავლების შესახებ, საჯარო სამსახურის ბიუროდან ქონებრივი მდგომარეობის დეკლარაცია, კანდიდატის სამუშაო ადგილიდან ინფორმაცია დისციპლინური სამართალწარმოების შესახებ, ლაშა ქოჩიაშვილის დახასიათების მიზნით მასთან სამსახურებრივ და პირად ურთიერთობაში მყოფი პირებისგან შევსებული სპეციალური ფორმის რეკომენდაციები, კითხვარები და სხვ. ამასთან, მნიშვნელოვანია, აღინიშნოს ისიც, რომ ლაშა ქოჩიაშვილის შეფასებისას გათვალისწინებულ იქნა მის მიერ განაცხადის შევსებისას მითითებული ინფორმაცია და საჯარო მოსმენისას კანდიდატის მხრიდან გამოვლენილი სხვადასხვა თვისებები, მახასიათებლები და სხვ.</p> <p>ზემოაღნიშნულზე დაყრდნობით, კანდიდატთან დაკავშირებით <u>პიროვნული კეთილსინდისიერებისა და პროფესიული სინდისის</u> მახასიათებლის თაობაზე შესაძლებელია ითქვას, რომ ინფორმაციის შეგროვების პროცესში გამოკითხული რეკომენდატორები და კანდიდატთან სამსახურებრივ თუ პირად ურთიერთობაში მყოფი პირები ლაშა ქოჩიაშვილის პირად თვისებებს აფასებენ დადებითად. ამასთან, რეკომენდატორები უთითებენ, რომ იგი არის პატიოსანი, კეთილსინდისიერი, გულწრფელი, სიმართლისმოყვარე და საქმისადმი ერთგული. აღსანიშნავია, რომ საჯარო მოსმენაზე კანდიდატმა დატოვა საკმაოდ კორექტული და გაწონასწორებული პიროვნების შთაბეჭდილება. რაც შეეხება, მისი მხრიდან მოვალეობებისა და პასუხისმგებლობის სწორად გააზრების საკითხს. ვფიქრობ, რომ ამ კუთხით ლაშა ქოჩიაშვილი უნდა შეფასდეს დადებითად, ვინაიდან, მოძიებული ინფორმაციის თანახმად, იგი ჯეროვნად ასრულებს როგორც სამსახურებრივ ისე ფინანსურ ან სხვა ხასიათის ვალდებულებებს. კერძოდ, მისი მხრიდან დროულად არის გადახდილი საგზაო მოძრაობის წესების დარღვევისათვის დაკისრებული ჯარიმები, იგი კარგად ასრულებს ფინანსურ ვალდებულებებს, აქვს დადებითი საკრედიტო ისტორია, მისი მხრიდან ქონებრივი დეკლარაციის შევსებისას დარღვევას ადგილი არ ჰქონია და სხვ.</p> <p><u>დამოუკიდებლობის, მიუკერძოებლობისა და სამართლიანობის მახასიათებლის</u> თაობაზე უნდა ითქვას, რომ ლაშა ქოჩიაშვილი არის საკმაოდ პრინციპული, პიროვნულად შეუვალი, ზეგავლენის მიმართ მედეგი და გააჩნია გადაწყვეტილების დამოუკიდებლად მიღების უნარი. ამასთან, გამოკითხული რეკომენდატორები კანდიდატის დახასიათებისას უთითებენ, რომ იგი არის დამოუკიდებელი, მიუკერძოებელი და სამართლიანი. რეკომენდატორები აღნიშნავენ იმასაც, რომ ლაშა ქოჩიაშვილი გამოირჩევა პიროვნული სიმტკიცით და თავისუფალია ყოველგვარი ზეგავლენებისგან. კანდიდატის პოლიტიკურ ან</p>
--	--

	<p>სხვა ნიშნით მიუკერძოებლობასთან დაკავშირებით კი უნდა აღინიშნოს, რომ მოძიებული ინფორმაციის თანახმად, იგი არ ყოფილა არცერთი პოლიტიკური პარტიის წევრი/მხარდამჭერი, შემომწირველი და საჯარო მოსმენაზეც მისი მხრიდან არ გამოთქმულა ისეთი მოსაზრებები, რაც გააჩენდა ეჭვს მის პოლიტიკურ ან სხვა ნიშნით მიუკერძოებლობაში.</p> <p><u>პიროვნული და პროფესიული ქცევის მახასიათებელთან</u> დაკავშირებით უნდა ითქვას, რომ ლაშა ქოჩიაშვილი საჯარო მოსმენაზე სხვადასხვა სამართლებრივი თუ ზოგადი ხასიათის საკითხის განხილვისას ცდილობდა, რომ მისი პოზიცია დაეცვა მშვიდად და გამოირჩეოდა თავდაჭერილობითა და საკუთარი ემოციების მართვის უნარით. მოძიებული ინფორმაციის საფუძველზე ნათელია, რომ იგი იცავს სამოსამართლო ეთიკის წესებს, კოლეგებთან თუ სხვა პირებთან ურთიერთობისას არის კორექტული და გამოირჩევა მოსამართლის მაღალი წოდების შესაბამისი ქცევითა და იმიჯით. მნიშვნელოვანია, რომ კანდიდატის წინააღმდეგ დისციპლინური დევნა არ დაწყებულა და იგი სასამართლოში წარმართულ დავებში მხარედ წარმოდგენილი არ ყოფილა. ხოლო რაც შეეხება, ლაშა ქოჩიაშვილის დაზარალებულად ცნობის საკითხს, ამის თაობაზე უნდა აღინიშნოს, რომ საქართველოს გენერალური პროკურატურის ინფორმაციის თანახმად, კანდიდატი ცნობილი იქნა დაზარალებულად (საქართველოს სსკ 177-ე მუხლის I ნაწილით გათვალისწინებულ დანაშაულთან დაკავშირებით, აღნიშნულ საქმეზე დადგა განაჩენი).</p> <p><u>პიროვნულ და პროფესიულ რეპუტაციის მახასიათებელს</u> რაც შეეხება, ლაშა ქოჩიაშვილის პიროვნულ თვისებებს და მის პროფესიულ მიღწევებს რეკომენდატორები და გამოკითხული პირები აფასებენ დადებითად. ამასთან, საქართველოს იუსტიციის უმაღლესი საბჭოს საზოგადოებასთან და მედიასთან ურთიერთობის მენეჯერის მიერ მოწოდებული ინფორმაციის თანახმად, ინტერნეტ სივრცეში კანდიდატის შესახებ ძირითადად ხელმისაწვდომია ინფორმაცია მის მიერ განხილულ საქმეებთან დაკავშირებით. აგრეთვე, მედიის მიერ გაშუქდა ლაშა ქოჩიაშვილის მონაწილეობა უზენაესი სასამართლოს მოსამართლეთა შესარჩევ კონკურსში. იურიდიულ წრეებთან ურთიერთობის ხასიათთან და ხარისხთან დაკავშირებით კი უნდა ითქვას, რომ ლაშა ქოჩიაშვილს მონაწილეობა აქვს მიღებული მართლმსაჯულების საკითხებზე გამართულ სხვადასხვა ღონისძიებაში და ეწევა პედაგოგიურ საქმიანობას.</p> <p><u>ფინანსური ვალდებულებების მახასიათებელთან</u> დაკავშირებით, მოძიებული ინფორმაციის საფუძველზე შესაძლებელია ითქვას, რომ ლაშა ქოჩიაშვილს აქვს დადებითი საკრედიტო ისტორია და მას სახელმწიფო ბიუჯეტის მიმართ დავალიანება არ ერიცხება.</p>
--	--

	<p>ამასთან, იგი მეწარმეთა და არასამეწარმეო იურიდიულ პირთა რეესტრში რეგისტრირებული არ არის. ამრიგად, კანდიდატის ფინანსური ვალდებულებების შემოწმების შედეგად, გამოიკვეთა, რომ არ არსებობს მისი ქონებრივი ინტერესების მართლმსაჯულების ინტერესებთან დაპირისპირების საფუძველი, რამაც შესაძლოა შემდგომში საფრთხის ქვეშ დააყენოს მოსამართლის მიუკერძოებლობა.</p> <p>ზემოაღნიშნულის გათვალისწინებით, დასკვნის სახით, შესაძლებელია ითქვას, რომ ვინაიდან არ გამოკვეთილა ისეთი გარემოება, რომელიც ეჭვქვეშ დააყენებდა კანდიდატის კეთილსინდისიერების საკითხს, მიმაჩნია, რომ იგი სრულად აკმაყოფილებს აღნიშნულ კრიტერიუმს.</p> <p>უზენაესი სასამართლოს მოსამართლეობის კანდიდატის შეფასება კომპეტენტურობის კრიტერიუმის მახასიათებლების მიხედვით</p> <p>„საერთო სასამართლოების შესახებ“ საქართველოს ორგანული კანონის თანახმად, კომპეტენტურობის კრიტერიუმის საფუძველზე კანდიდატ ლაშა ქოჩიაშვილის შეფასებისას მხედველობაში იქნა მიღებული აღნიშნული კრიტერიუმის თითოეული მახასიათებელი. კერძოდ, სამართლებრივი ნორმების ცოდნა; სამართლებრივი დასაბუთების უნარი და კომპეტენცია; წერის უნარი; ზეპირი კომუნიკაციის უნარი; პროფესიული თვისებები, მათ შორის, ქცევა სასამართლო დარბაზში; აკადემიური მიღწევები და პროფესიული წვრთნა; პროფესიული აქტივობა. აღსანიშნავია, რომ კომპეტენტურობის კრიტერიუმით კანდიდატის შეფასება დაეყრდნო კანდიდატის შესახებ მოძიებულ ინფორმაციას, მათ შორის, მის მიერ წარმოდგენილ სამართლებრივ დოკუმენტებს და საჯარო მოსმენის შედეგად შექმნილ შთაბეჭდილებას.</p> <p>კანდიდატის მიერ <u>სამართლებრივი ნორმების ცოდნის კუთხით</u> უნდა აღინიშნოს, რომ ლაშა ქოჩიაშვილი სამოქალაქო სამართლის მიმართულებით ფლობს კარგად მატერიალურ და საპროცესო კანონმდებლობას. ასევე, მასთან გამართული საჯარო მოსმენის შედეგად ნათელი გახდა, რომ იგი იცნობს ადამიანის უფლებების სამართალს. მნიშვნელოვანია, რომ კანდიდატი ეცნობა საქართველოს საკონსტიტუციო სასამართლოს და საქართველოს საერთო სასამართლოების გადაწყვეტილებებს, აგრეთვე, ადამიანის უფლებათა ევროპული სასამართლოს პრეცედენტულ სამართალს. აღსანიშნავია, რომ ლაშა ქოჩიაშვილს ჩაბარებული აქვს მოსამართლეობის საკვალიფიკაციო გამოცდა (სამოქალაქო და</p>
--	--

	<p>ადმინისტრაციული სამართლის სპეციალიზაცია).</p> <p>იუსტიციის უმაღლესი საბჭოს თითოეული წევრის მიერ კანდიდატების შესახებ მომდებული ინფორმაციის შესწავლის შემდეგ, 2021 წლის 25 თებერვალს ლაშა ქოჩიაშვილთან გაიმართა საჯარო მოსმენა.² საჯარო მოსმენაზე კანდიდატს იუსტიციის უმაღლესი საბჭოს წევრებმა დაუსვეს არაერთი სამართლებრივი და ზოგადი ხასიათის შეკითხვა. უნდა აღინიშნოს, რომ კანდიდატი იყო მშვიდი, გაწონასწორებული, თავდაჯერებული და კორექტული. საჯარო მოსმენაზე გამოიკვეთა, რომ მას გაანალიზებული აქვს სხვადასხვა პრობლემური სამართლებრივი საკითხი. ამასთან, სამართლებრივ საკითხებზე მსჯელობისას იგი საკუთარ პოზიციას გადმოსცმდა ნათლად, თანმიმდევრულად და არგუმენტირებულად. იგი აქტიურად იყენებდა საერთო სასამართლოების პრაქტიკას და უმეტესად ამომწურავად პასუხობდა დასმულ შეკითხვებს.</p> <p>კანდიდატის <u>სამართლებრივი დასაბუთების, კომპეტენციისა და წერის უნართან დაკავშირებით</u> შესაძლებელია ითქვას, რომ მას აქვს ხანგრძლივი პროფესიული, მათ შორის მოსამართლის თანამდებობაზე მუშაობის 13-წლიანი გამოცდილება. იგი ამჟამად არის თბილისის სააპელაციო სასამართლოს სამოქალაქო საქმეთა პალატის მოსამართლე. ლაშა ქოჩიაშვილის მიერ წარმოდგენილი სამართლებრივი დოკუმენტების³ შესწავლის საფუძველზე კი შესაძლებელია აღინიშნოს, რომ მას აქვს კარგი წერის უნარი. კერძოდ, კანდიდატი მის მიერ მიღებულ გადაწყვეტილებებში ავლენს ლოგიკური მსჯელობის უნარს, მოყვანილი არგუმენტები არის თანმიმდევრული და არაორაზროვანი. იგი ჩამოყალიბებულია ნათელი და მკითხველისთვის ადვილად აღსაქმელი ენით. მნიშვნელოვანია, რომ მასში რაიმე თვალსაჩინო გრამატიკული შეცდომა არ გამოვლენილა.</p> <p>ლაშა ქოჩიაშვილის <u>ხეპირი კომუნიკაციის უნართან</u> დაკავშირებით უნდა ითქვას, რომ</p>
--	---

² იხ. ლაშა ქოჩიაშვილთან გამართული საჯარო მოსმენის ვიდეოჩანაწერი: <https://www.youtube.com/watch?v=PzTFQKOoHUw>

³ სასამართლო გადაწყვეტილება: თბილისის საქალაქო სასამართლოს 2013 წლის 11 ოქტომბრის გადაწყვეტილება N2/7453-2013, თბილისის საქალაქო სასამართლოს 2016 წლის 30 მაისის გადაწყვეტილება N2/21609-15, თბილისის საქალაქო სასამართლოს 2016 წლის 26 დეკემბრის გადაწყვეტილება N2/21248-2015, თბილისის საქალაქო სასამართლოს 2017 წლის 30 იანვრის გადაწყვეტილება N2/29318-2016, თბილისის საქალაქო სასამართლოს 2017 წლის 08 თებერვლის გადაწყვეტილება N2/16048-2015, თბილისის სააპელაციო სასამართლოს სამოქალაქო საქმეთა პალატის გადაწყვეტილება N28/10092-19.

	<p>კანდიდატს აქვს გამართული მეტყველების უნარი. როგორც უკვე აღვნიშნე, იგი არის ღია, გაწონასწორებული და ნათლად აყალიბებს საკუთარ მოსაზრებებს. ამასთან, აქვს სხვისი აზრის მოთმინებით მოსმენის შესაძლებლობა.</p> <p>კანდიდატის <u>პროფესიული თვისებების, მათ შორის, სასამართლო დარბაზში ქცევასთან დაკავშირებით</u> ლაშა ქოჩიაშვილის შესახებ მოძიებული ინფორმაციითა და მის წარმოებაში არსებულ საქმეთა განხილვის სტატისტიკური ინფორმაციის თანახმად, შესაძლებელია აღინიშნოს, რომ იგი გამოირჩევა შრომისმოყვარეობით, პუნქტუალობით, მიზანდასახულობით, გულმოდგინებით, პროდუქტიულობით და გააჩნია საქმის ჯეროვნად, პასუხისმგებლობით მომზადების, მხარეებთან სათანადოდ მოქცევისა და სასამართლო სხდომის კარგად წარმართვის უნარი. ასევე, შემექმნა შთაბეჭდილება, რომ კანდიდატს აქვს სტრესულ სიტუაციაში მუშაობის, გადაწყვეტილების დაუხმარებლად მიღებისა და დამოუკიდებელი აზროვნების შესაძლებლობა. უშუალოდ ლაშა ქოჩიაშვილის წარმოებაში არსებულ საქმეთა განხილვის სტატისტიკური ინფორმაციის თაობაზე კი უნდა ითქვას, რომ 2017 წლის 1 ნოემბრიდან - 2020 წლის 1 ნოემბრამდე პერიოდში მაღალია მის მიერ საპროცესო ვადების დაცვით განხილულ საქმეთა (93,5%) და უცვლელად დატოვებულ გასაჩივრებულ გადაწყვეტილებათა პროცენტული მაჩვენებლები (81,4%).</p> <p>ლაშა ქოჩიაშვილის <u>აკადემიური მიღწევების, პროფესიული წვრთნისა და პროფესიული აქტივობის</u> შესახებ შეიძლება ითქვას, რომ იგი არის ღია სიახლეების მიმართ და აქვს ახალი ცოდნისა და უნარების შეძენის ინტერესი. კანდიდატი აქტიურად იღებს მონაწილეობას მართლმსაჯულების საკითხებზე გამართულ არაერთ ღონისძიებაში და ჩაბარებული აქვს პროკურატურის მუშაკთა საკვალიფიკაციო გამოცდა. აღსანიშნავია, რომ ლაშა ქოჩიაშვილი საქართველოს იუსტიციის უმაღლეს სკოლასა და საქართველოს იუსტიციის სასწავლო ცენტრში ეწევა პედაგოგიურ საქმიანობას. თუმცა, მას მომზადებული არ აქვს სამეცნიერო ან სხვა სახის პუბლიკაცია.</p> <p>შეჯამება</p> <p>ყოველივე ზემოაღნიშნულის გათვალისწინებით, კანდიდატ ლაშა ქოჩიაშვილთან დაკავშირებით შესაძლებელია, ითქვას რომ იგი სრულად აკმაყოფილებს კეთილსინდისიერების კრიტერიუმს. ამასთან, კომპეტენტურობის კრიტერიუმის თითოეულ მახასიათებელთან მიმართებით კანდიდატის შეფასებისას გათვალისწინებულ</p>
--	--

	<p>იქნა მისი ცოდნა, კომპეტენცია, გამოცდილება, პროფესიული თვისებები, უნარ-ჩვევები და სხვა მნიშვნელოვანი მახასიათებლები. აღნიშნული ინფორმაციის შეჯერებისა და შეფასების საფუძველზე კი დადგინდა, რომ მის მიერ დაგროვილ ქულათა ჯამი მაქსიმალური 100 ქულიდან შეადგენს 94 ქულას. შესაბამისად, კანდიდატის ცოდნის, პროფესიული გამოცდილებისა და მის მიერ გამოვლენილი უნარ-ჩვევების გათვალისწინებით, მიმაჩნია, რომ მას შესწევს უნარი ღირსეულად შეასრულოს უზენაესი სასამართლოს, მართლმსაჯულების განხორციელების უმაღლესი და საბოლოო ინსტანციის საკასაციო სასამართლოს, მოსამართლისთვის დაკისრებული რთული და საპასუხისმგებლო საქმიანობა.</p>
--	---

სახელი, გვარი: ნიკოლოზ მარსაგიშვილი

ხელმოწერა:

თარიღი:

28/05-2021

